

赤水玄珠全集

S25-6

1515

1部2



赤水玄珠第三卷目錄

頭痛門

附頭風

眉棱眶痛

雷頭風

大頭病

風屑

頭重

面門

頰車病

目門

鼻門

耳門

口門

唇

舌門

齒門

咽喉門



喉痺
梅核氣



赤水玄珠第三卷

新安生生子孫一奎著輯

頭痛

生生子曰頭爲諸陽之首至清至高之處也苟外無風寒霧露之觸內無痰火燥熱之薰必無痛也既有內外之因當循內外之治

凡頭痛當分三陰三陽 諸血虛頭痛當歸川芎主之 諸氣虛頭痛人參黃耆主之

之兼見何症以佐使之藥濟之此立方之大法也 血氣俱虛於調中益氣湯加

川芎蔓荊子細辛其效如神 濕厥頭痛清空膏主之 諸厥逆頭痛羌活附子

湯主之 濕熱在頭者以苦吐之 世有眞頭痛旦發夕死夕發旦死原其受病

乃氣血虛極以致風寒暑濕之氣得以犯之名曰厥頭痛痛引腦巔陷於泥丸宮

中非藥所能愈蓋其根本先絕也 丹溪曰頭痛多主於痰痛甚者火也有可吐

者亦有可下者 東垣曰經云東風生於春病在肝俞在頸項故春氣者病在頭

又諸陽會於頭面如足太陽經之脉起於目內眦上額交巔直入絡腦還出別下

項病衝痛又足少陽之脉起於目銳眦上抵頭角病則頭角額痛夫風從上受之

風寒傷上邪從外入客于經絡令人振寒頭痛身重惡寒治在風池風府有調其

陰陽不足則補有餘則瀉汗之則愈此傷寒頭痛也 如氣上不下頭痛巔疾者

下虛上實也過在足少陰巨陽甚則入腎寒濕頭痛也 有厥逆頭痛者所犯大

寒內至骨髓髓以腦爲主腦逆故令頭痛齒亦痛 有心煩頭痛者病在腦中過

在手巨陽少陰乃濕熱頭痛也 凡頭痛皆以風藥治之者揔其大體言之也高
巔之上惟風可到或味之薄者陰中之陽自地升天者也然亦有少陰三陽之異
太陽經頭痛惡風寒脉浮緊川芎獨活之類主之 少陽經頭痛脉絃細往來寒
熱柴胡黃芩主之 陽明經頭痛自汗發熱不惡寒脉浮緩長實者升麻葛根石
膏白芷主之 太陰經頭痛必有痰體重或腹痛爲痰癖脉沉緩者蒼朮半夏南
星主之 少陰經頭痛三陰三陽經不流行而足寒氣逆爲寒厥其脉沉細麻黃
附子細辛湯主之 厥陰經頭疼項痛或吐痰沫冷厥其脉浮緩吳茱萸湯主之
丹溪云勞役下虛之人似傷寒發熱汗出兩太陽作痛宜補中益氣湯多加川歸川
芎甚者加知母蔓荊子 又云自魚尾上攻而痛屬血虛川芎川歸酒黃柏諸經
氣滯亦能作痛

王節齋曰久頭痛病客感風寒便發寒月須重綿厚帕包裹者此屬鬱熱本熱而標
寒世人不識率用辛溫解散之藥暫時得效誤認爲寒殊不知因其本有鬱熱毛
竅常疏故風寒易入外寒束其內熱閉逆而爲痛辛熱之藥雖能開通閉逆散其
標之寒邪然以熱濟熱病本益深惡寒愈甚矣唯當瀉火涼血爲主而佐以辛溫
散表之劑以從其標則病可愈而根可除也

郭茂恂之婦產七日不食始言頭痛頭痛已又心痛作旣而目睛痛如割如刺更作
更止相去無瞬息間每頭痛甚欲取大石壓之良久漸定心痛作則以十指抓壁
血流滿掌痛定目復痛又以兩手自刺取之如是十日不已衆醫無計進黑龍丹

半粒疾少間中夜再服之服即下瞑目寢如平昔至平日下一行約三升許如蝗
虫三疾減半已刻又行如前則頓愈矣

頭重

東垣紅豈散治頭重極佳方見雷頭風門

秘方茶調散 風熱上攻頭目昏痛及頭風熱痛不可忍

片芩二兩酒拌炒三次不可令焦 小川芎一兩

細芽茶三錢

白芷五錢

薄荷三錢

荊芥穗四錢

頭巔及腦痛加細辛薑本蔓荊子各三錢

右爲細末每服二三錢用茶清調下

頭風

丹溪云屬痰者多有熱有風有血虛 在左屬風薄荷荊芥血虛川芎當歸 在右

屬痰蒼朮半夏熱則酒芩爲主

冲和膏 偏正頭風腫痛并眼痛者塗上立止如神

紫荊皮炒五兩

獨活去節炒三兩

赤芍炒二兩

白芷一兩

菖蒲一兩

右爲末葱頭煎濃湯調塗藥到痛止

又方 酒芩一兩

蒼朮

羌活

防風各五錢

細辛二錢

蒼耳三錢

右爲末每服三錢生羌一大片同搗均茶湯盪起服之

又方 酒芩五錢

蒼朮二錢半

羌活

蒼耳

川芎



甘草生 酒黃連各一錢半 半夏麴三錢半炒

右爲末服法同前

頭痒風屑髮黃 用大黃酒浸炒爲末茶調服

川芎散 偏頭痛頭風神效

甘菊 石膏 川芎各三錢

爲末每服一錢茶清調下一方有白姜蚕

六錢生用

經驗方 頭風頭痛

藿香

防風各二兩

辰砂

薄荷各一兩

天麻

白朮

白附子

白芷各一兩五錢

右爲末糊丸梧子大每服三十丸白湯下

菊花茶調散 諸風頭目昏重偏正頭風鼻塞

菊花

川芎

荊芥

羌活

甘草

白芷各二兩

細辛一兩

防風一兩洗淨

蟬腿

羌蚕

薄荷各五錢

右爲末每服二錢食後用茶清調下

有一婦人患扁頭痛一邊鼻塞不聞香臭常流清涕或作臭氣一陣服遍治頭痛藥

如芎蝎皆不效人無識此病者或曰腦癰偶有善醫云但服局方芎犀丸不十數

服忽作嚏涕突出一錠稠膿其疾自愈方見鼻淵



秘方 貼頭風熱痛 大黃 朴硝各等分

右爲末井底坭和捏作餅貼兩太陽穴神效否則防壞日

祛風清上丸 風熱上攻眉稜骨痛

酒芩二錢 白芷一錢半 防風一錢 柴胡一錢

川芎一錢二分 羌活一錢 甘草五分 水二鍾煎八分食後服

芎辛導痰湯 痰厥頭痛

川芎 細辛 南星各一錢半 半夏二錢

茯苓 片芩酒炒各一錢二分 枳實一錢 甘草五分 陳皮 如挾風熱甚

者加石羔三錢菊花一錢水二鍾羌三片煎至八分食後服

清空膏 偏正頭痛年深及療風濕熱痛上壅損目及腦痛年深不止

羌活 防風各一兩 柴胡七錢 川芎五錢 甘草炙一兩半

黃連炒一兩 黃芩三兩一半炒一半酒製 右爲細末每服二錢熱蓋內入茶少

許湯調如膏抹在口內少用白湯送下臨臥服如苦頭痛每服中加細辛二錢

如太陰脉緩有痰名曰痰厥頭痛加羌活防風川芎甘草又加半夏一兩半如

偏正頭痛服之不愈減羌活防風川芎一半加柴胡一倍如發熱惡熱而渴正

陽明頭痛只與白虎湯加白芷

小清空膏 諸般頭痛惟血虛頭痛不治用片芩細切酒拌晒乾爲末茶清調下酒

亦可



補氣湯 服前藥之後服此藥

黃耆八兩

甘草炙

當歸身各二錢

柴胡

升麻各二分

細辛少許

麻黃炒

苦丁香各五分

水煎服

安神湯 頭旋眼黑頭痛

羌活一兩

防風二錢半

柴胡五錢

酒黃栢一兩

酒知母

酒生地

升麻各五錢

黃耆二兩

甘草半生半熟四錢

右咀咬每服半兩水二大盞煎至一盞半加蔓荊子五分川芎三分再煎至

一盞臨臥時去渣熱服

右東垣丹溪治虛熱頭痛大率皆以酒芎酒連酒栢加風劑也

川芎散 頭風偏正頭風昏眩

川芎

細辛

羌活

槐花

甘草炙

香附

石羔炙各五錢

荊芥

薄荷

菊花

防風

茵陳各一兩

右爲細末每服二錢食後茶清調下日三服

石羔散 頭痛不可忍

麻黃去根節

石羔各一兩

何首烏五分

葛根七錢半

右爲細末每服三錢生羌三片水煎稍熱服

又方亦名石羔散 頭痛

川芎

石羔

白芷各等分

右爲細末每服四錢熱茶清調下

荊芥散

治頭風

王太醫方

荊芥

石羔煨各等分

右爲細末每服二錢羌二片葱白三寸連鬚使水一盞煎七分食後服

玉眞丸

寒濕爲多腎氣不足氣逆上行頭疼不可忍謂之腎厥其脉舉之則弦按

之則堅

硫黃二兩

石膏

半夏湯洗

硝研各二兩

俱爲細末研勻生羌糊爲丸梧子大陰乾每服二十丸羌湯或米飲下更

玉壺丸

風濕頭痛亦作痰患

半夏

南星

天麻

爲末白麴丸服二錢

羌蚤散

偏正頭痛併夾腦風連兩太陽頭痛

白羌蚤爲末用葱茶調服

乳香蓋落散

男子婦人偏正頭痛不可忍大有神效此風盛疎散而痛宜酸以收

之

御米殼去蒂四兩

陳皮

甘草炙

桔梗去蘆

柴胡各一兩

右爲細末每服一錢水一鍾入燈心十莖長四指同煎七分溫服

治時氣頭痛不止用朴硝二兩爲末生油調塗於頂上



治頭內如虫蛀響名天白蟻用茶子細末吹鼻中如聖散 眼目偏痛頭風

麻黃燒灰半兩 盆硝二錢半

射香

腦子各少許

右爲細末搐之神效

治頭風餅子 五倍子

全蝎

土狗七分

右爲末醋糊作如錢大餅子發時再用醋潤透貼太陽穴上炙熱貼之驗甚仍用帕子縛之啜濃茶睡覺則愈

一奇散 產後頭痛 用當歸川芎爲細末每服二錢水一盞煎七分溫服

治產後身熱頭痛肚痛

陳皮

白朮

白芍各二錢

黃芩二錢半

川芎一錢

乾羌

牡丹皮

甘草各一錢五分

荊芥五分

分四帖煎服

芎附散 產後敗血作梗頭痛諸藥不效

大附子一枚醋醋一碗用火四畔炙透蘸醋令盡去皮臍加川芎一兩並爲細末

每服一錢茶清調下

東垣曰濕熱在頭而頭痛者必以苦吐之若用上項搐鼻藥而涎少者必兼吐法治

之

邪在胃而頭痛者必下之其症必兼膈痞或動作則痛甚或右手脉滑盛者是也



新沐中風爲首風頭面多汗惡風當先風一日則病甚至其風日則少愈大川芎丸主之

風氣循風府而上則爲腦風項背怯寒腦戶極冷神聖散主之

大川芎丸 首風旋暈弦急外合陽氣風寒相搏胃膈痰飲偏正頭疼身體拘攣

川芎一兩 天麻四兩 爲末煉蜜丸每兩作十丸每服一丸細嚼茶酒

下食後服

神聖散 腦風邪氣留飲不散項背怯寒頭痛不可忍者

麻黃去節 細辛去節 乾葛生一半炒一半 藿香葉各等分

右爲末每服二錢煮荊芥薄荷酒調下茶亦得併治血氣症

大全黑龍丹 產後寒凝血滯或胞衣不下或汚血奔心危急惡疾垂死者但灌藥

入口便活妙通神聖 當歸 五靈脂 川芎 良羌 熟地各三錢

右研末入罐鹽泥固濟抵口炭十斤煨令通赤冷定取開看成黑糟色細研入後

藥 百草霜五錢 硫黃 乳香各一兩 花瀝石 琥珀各三錢

右五味爲末并前和勻如茨薑大每服一丸

雷頭風俗名非古也

張子和曰雷頭風者結核塊於頭上而作痛者是也可用茶調散吐之次用神芎丸

下之然後服烏荊丸及愈風餅子之類消風散熱是其治也如涼膈散之類

又云雷頭風是頭上有赤腫結核或如酸棗狀可用排針出血則愈矣



生生子曰所謂雷頭風者必是痰結核塊或先暗有於頭上然後隨遇而發或勞役或酒色或食燻炙動風發毒之物感而發之或紅或腫而痛作矣急則治其標針而血出風散火滅痛固減去或有之也若先無結塊痰核卒然發寒熱而腫痛者乃風毒也不可不察

茶調散又名二仙散

爪蒂

茶葉

爲末每服二錢釐汁調服乃取吐藥也

神芎散

實者下之是也能去膈上滯痰

大黃

黃芩各二兩

牽牛

活石各四兩

爲細末滴水爲丸如小豆大溫水下十五丸每服加丸以利爲度日三服

愈風餅子

川烏

川芎

甘菊

白芷

薄荷

防風

細辛

天麻

羌活

荆芥

甘草各等分

爲細末水浸蒸餅爲劑捏作餅子每服三五餅細嚼茶酒送下不拘時候

保命集云夫治雷頭風諸藥不效者爲與症不相對也蓋雷頭風者震卦主之震仰盂故予製藥內加荷葉者象震之形其色又青乃述類象形當煎局方中升麻湯主之治頭面疙癢增寒拘急發熱狀如傷寒

升麻

蒼朮

薄荷

爲細末每服五錢水一鍾煎七分溫服食後或燒全荷葉一個研細調藥服



之

生生子曰按二公方論俱以結核疙癧而用風藥論治且指震為雷為譬固美矣恐猶未盡善也夫此病未有不因於痰火者蓋痰生熱熱生風故也核塊疙癧皆有形可徵痰火上升壅於氣道兼於風化則自然有聲輕則或如蟬之鳴重則或如雷之響故以聲如雷而為名也或者以其發如雷之迅速也設如前論盡作風熱治之恐認標而忘其本也予故附痰火一方于後以俟明哲評之
白羌蠶五錢粉草三錢半夏牙皂菴汁煮一兩連喬五錢片苓七錢酒炒陳皮去白鹽煮桔梗各五錢大黃酒蒸九次二兩薄荷葉三錢白芷二錢天麻五錢酒浸青礞石二錢俱為細末水浸餅為丸如綠荳大食後臨臥茶吞二錢以痰利為度然後用清痰降火煎藥調理
紅荳散 頭重如山此濕氣在頭也

麻黃根炒

苦丁香各五分

紅荳十粒

羌活燒

連喬各三錢

右五味為細末鼻內搐之

頭風屑肝經風盛也大便秘瀉青丸主之虛則消風散主之

消風散 諸風上攻頭目昏痛項背拘急肢體煩痛肌肉蠕動目眩旋運耳簫蟬鳴

眼澁好睡鼻塞多嚏皮膚頑麻燥痒癰疹又治婦人血風頭皮腫痒眉骨疼旋欲

倒痰逆惡心

川芎

羌活

人參

茯苓

藿香

荆芥

甘草

白羌蠶

蟬殼去爪各二兩厚朴菴製

陳皮去白各五錢防風

右爲細末每服二錢茶清調下如久病偏頭風每日三服便覺輕減如脫着沐浴暴感風寒頭痛身重寒熱倦疼用荊芥茶清調下半盞不拘服之小兒虛風目澁昏倦及急慢驚風用乳香荊芥湯治風屑極燥痒無時此乃氣虛風邪侵於皮表用藜蘆不拘多少爲末先于無風處洗頭候將乾時用末搽之須用入髮至皮乃緊縛之一日夜次日即不燥痒如尙有些少可再用一次立效

頭上白屑極多山荳根油浸塗或以乳汁調

又方

白芷

零零香各等分

爲末如前法用之候三五日篋去敷二三次終始

不生

大頭病(頭痛腫大如斗是也大率多是天行時疫病)

泰和年東垣以監納濟源稅時長夏多疫癘初覺增寒體重次傳面目腫盛目不能開上喘咽喉不利舌乾口燥俗云大頭天行親戚不相訪問如染之多不救張縣丞亦得此症至五六日醫以承氣湯加板藍根下之稍緩翼日其病如故下之又緩終莫能愈漸至危篤或曰李明之存心於醫可以請治遂命診視具說其由曰夫身半已上天之氣也身半已下地之氣也此雖邪熱客於心肺之間上攻頭而爲腫盛以承氣下之瀉胃中之實熱是誅罰無過殊不知適其病所爲故遂處方用黃連黃芩味苦寒瀉心肺間熱以爲君橘紅立參苦寒生甘草甘寒瀉火補氣

以爲臣連喬鼠粘子薄荷葉苦辛平板藍根味甘寒馬屁勃白羌蚤味苦平散腫
消毒定喘以爲佐新升麻柴胡苦平行少陽陽明二經不得伸桔梗味辛溫爲舟
楫不令下行共爲細末用湯調時時服之拌蜜爲丸噙化之服盡良愈因歎曰往
者不可追來者猶可及凡他所有是病者皆書方以貼之全治甚衆

普濟消毒飲

黃連各五錢

人參三錢

橘紅

玄參各二錢

連喬

鼠粘子

板藍根

馬屁勃各一錢

甘草生

柴胡

桔梗各二錢

白羌蚤炒

升麻各一錢

爲細末服如前法或加防風薄荷當歸身川芎每服五錢水煎食後時時熱
服如大便硬加酒煨大黃一錢以利之腫熱甚者宜砭刺之

生生子曰觀消毒飲以普濟二字爲命名之首書告四方使人人得躋壽域者君子
之存心也乃今時之醫偶獲一未穩之方就括囊緘口自秘終身爲微利之計視
此普濟消毒飲寧不自愧於心乎

大頭病者雖在身半以上熱伏于經以感天地四時非節瘟疫之氣所着以成至于
潰裂膿出而又染他人所以謂之疫癘也大抵足陽明甚則逆傳視其腫勢在何
部分隨其經而取之濕熱爲腫火盛爲痛此邪發於首多在兩耳前後所先見出
者爲主爲根治之宜早藥不宜速恐過其病所謂上熱未除中寒已作有傷人命
矣此疾是自內而之外者是爲血病況頭部分受邪見於無形之處至高之分當

先緩而後急先緩者謂邪氣在上着無形之部分既着無形所傳無定若用重劑大瀉之則其邪不去反過其病矣雖用緩藥若又急服之或食前或頓服或失緩體則藥不能除病矣當徐徐漬無形之邪或藥性氣味形體擬象服餌皆須不離緩體及寒藥或酒炒浸之類是也後急者謂前緩劑已經高分瀉邪氣入於中是到陰部染於有形質之所若不速去反損陰也此却爲客邪當急去之是治客以急且治主當緩者謂陽邪在上陰邪在下各爲本家病也若急治之不惟不能解其紛而反致其亂矣此所以治主當緩也治客當急者謂陽分受陽邪陰分受陰邪主也陰分受陽邪陽分受陰邪客也凡所謂客者當急去之此治客以急也微令少陽陽明之爲病少陽者諸邪出於耳前後也陽明者首面大腫也先以黃芩黃連甘草通炒過剉煎少少不住服呷之或服畢再用大黃或酒浸或煨又以鼠粘子新瓦上炒香吹咀煎去渣內芒硝各等分亦細細呷之當食後用徐得微利又邪氣已只服前藥如不已再服後藥依前次第用之取大便利邪已則止如陽明渴者加石膏少陽渴者加瓜蒌根陽明行經加升麻葛根芍藥之類太陽行經加羌活防風荊芥之類選而加之並與上藥均合不獨用散也

黑白散 大頭病如神

烏黑蛇酒浸

白花蛇去頭尾酒浸

雄黃二兩

大黃煨五錢

爲細末每服一二錢白湯調下

治疫毒頭重者甘桔湯加鼠粘子大黃芒硝